



Broj: 01/1-50-1-1-34/08
Sarajevo, 14.3.2008.godine

Z A P I S N I K

34. sjednice Ustavnopravne komisije

Sjednica je održana 14.3.2008. godine, s početkom u 9 sati.

Sjednici su prisustvovali članovi Komisije: Šefik Džaferović, Lazar Prodanović, Drago Kalabić, Momčilo Novaković, Adem Huskić, Halid Genjac, Velimir Jukić i Martin Raguž.

Odsustvo je opravdao Ekrem Ajanović.

Osim članova Komisije, sjednici su prisustvovali i predstavnici: OHR-a Maja Ribar i Andreja Šporer, OSCE-a Amra Zorlak, Suad Salkić, Meagan Hile, Tužilaštva BiH Olivera Đurić, Milorad Barašin, Ministarstva sigurnosti BiH Samir Agić, Idriz Brković, Semir Mujkanović, stažista u Klubu poslanika HDZ, Ivana Šupeta, stručna saradnica za pripremu sjednica Predstavničkog doma.

Sjednici je prisustvovao i stručni saradnik u Ustavnoj komisiji Nedžad Salman.

Predsjedavajući Komisije predložio je izmjenu dnevnog reda tako da se Izvještaj o radu Tužilaštva BiH razmatra prije tačke 4. - Prijedlog rezolucije o odgovornosti. Komisija je jednoglasno prihvatila navedeni prijedlog i usvojila sljedeći

D N E V N I R E D

1. Usvajanje zapisnika 32. i 33. sjednice, koje su održane 25.2.2008. i 29.2.2008.;
2. Prijedlog zakona o zaštiti ljudi i materijalnih dobara od prirodnih i drugih nesreća u BiH, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
3. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH (**usklađenost sa Ustavom BiH i pravnim sistemom i principi u skladu s članom 103. i 104. Poslovnika Doma**);
4. Izvještaj o radu Tužilaštva BiH za 2007. godinu (**razmatranje zahtjeva u skladu s članom 41. stav (2) Poslovnika Doma**);
5. Prijedlog rezolucije o odgovornosti, predlagač: Klub poslanika SNSD-a (**razmatranje u skladu s članom 41.stav (2) u vezi s članom 148. stav (2) Poslovnika Doma**);

Ostala pitanja:

- Zahtjev za autentičnim tumačenjem člana 323. stav (2) Odluke o provedbenim propisima Zakona o carinskoj politici BiH ("Službeni glasnik BiH", br. 63a/04), podnosilac zahtjeva: Interagent d.o.o. Mostar (**razmatranje zahtjeva u skladu s članom 137. stav (2) Poslovnika Doma**).
- Zahtjev za autentičnim tumačenjem člana 185. stav (1) Zakona o službi u Oružanim snagama BiH ("Službeni glasnik BiH", br. 88/05), podnosilac zahtjeva: Ministarstvo odbrane BiH (**razmatranje zahtjeva i ocjena jasnoće pravne norme, u skladu s članom 137. stav (3) Poslovnika Doma**).

Ad.1. Usvajanje zapisnika 32. i 33. sjednice, koje su održane 25.2.2008. i 29.2.2008.

Predsjedavajući je otvorio raspravu. Halid Genjac skrenuo je pažnju na postojanje tehničke greške na strani 5. Zapisnika 32. sjednice koja glasi: „ Sa osam glasova „za“, bez glasova „protiv“ i jednim „suzdržanim“ glasom, amandman nije prihvaćen“ i predložio ispravku tako da tekst glasi: „ Sa osam glasova „za“, bez glasova „protiv“ i jednim „suzdržanim“ glasom, amandman je prihvaćen“. Nakon toga Komisija je jednoglasno usvojila Zapisnik 32. sjednice sa navedenom ispravkom i Zapisnik 33. sjednice.

Ad.2. Prijedlog zakona o zaštiti ljudi i materijalnih dobara od prirodnih i drugih nesreća u BiH, predlađač: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

S obzirom da nije bilo rasprave o predloženom zakonu, Komisija je, sa šest glasova „za“, bez glasova „protiv“ i jednim „suzdržanim“ glasom, odlučila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.3. Prijedlog zakona o izmjenama i dopunama Zakona o krivičnom postupku BiH, predlađač: Vijeće ministara BiH (usklađenost sa Ustavom BiH i pravnim sistemom i principi u skladu s članom 103. i 104. Poslovnika Doma)

Predsjedavajući je otvorio raspravu u kojoj su učestvovali: sekretar Ministarstva pravde BiH Jusuf Halilagić i članovi Komisije: Drago Kalabić, Momčilo Novaković, Šefik Džaferović i Adem Huskić.

Nakon rasprave, Komisija je jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna komisija je, sa sedam glasova „za“, bez glasova „protiv“ i jednim „suzdržanim“ glasom, podržala principe predloženog zakona.

Komisija je jednoglasno usvojila i zaključak da se, povodom Prijedloga zakona o izmjenama i dopunama Zakona o krivičnom postupku BiH, održi javna rasprava u koju bi bila uključena stručna javnost radi pronalaženja najboljih rješenja.

Ad.4. Izvještaj o radu Tužilaštva BiH za 2007. godinu (razmatranje zahtjeva u skladu s članom 41. stav (2) Poslovnika Doma)

Predsjedavajući je otvorio raspravu u kojoj su učestvovali svi članovi Komisije i predstavnici Tužilaštva BiH Olivera Đurić i Milorad Barašin.

Nakon rasprave, Komisija je jednoglasno odlučila sljedeće:

- Ustavnopravna komisija prima k znanju Informaciju o radu Tužilaštva BiH za 2007. godinu, koja je podnesena na osnovu člana 13. Zakona o Tužilaštvu BiH („Službeni glasnik BiH“, br. 42/03);
- Komisija iskazuje dosadašnje opredjeljenje da Predstavnički dom preduzme sve mjere iz svoje nadležnosti koje bi bile u funkciji pomoći radu Tužilaštva BiH;
- Ustavnopravna komisija predlaže Predstavničkom domu da primi k znanju Informaciju o radu Tužilaštva BiH za 2007. godinu s ovim mišljenjem.

Ad.5. Prijedlog rezolucije o odgovornosti, predlagač: Klub poslanika SNSD-a, (razmatranje u skladu s članom 41.stav (2) u vezi s članom 148. stav (2) Poslovnika Doma)

Predsjedavajući je otvorio raspravu u kojoj su učestvovali svi članovi Komisije. Nakon opsežne rasprave, odlučeno je sljedeće:

- Komisija, sa dva glasa „za“, pet glasova „protiv“ i jednim „suzdržanim“ glasom, nije prihvatila Prijedlog rezolucije o odgovornosti u predloženom tekstu;
- Članovi Komisije će na sjednici Predstavničkog doma iznijeti mišljenja i pojedinačne razloge kojima su se rukovodili prilikom donošenja ove odluke.

Ostala pitanja:

- Zahtjev za autentičnim tumačenjem člana 323. stav (2) Odluke o provedbenim propisima Zakona o carinskoj politici BiH ("Službeni glasnik BiH", br. 63a/04), podnosilac zahtjeva: Interagent d.o.o. Mostar **(razmatranje zahtjeva u skladu s članom 137. stav (2) Poslovnika Doma).**

Komisija je razmatrala navedeni zahtjev nakon čega je jednoglasno utvrđeno da Zahtjev nije podnio ovlašteni subjekat, kako propisuje odredba člana 137. stav (2) Poslovnika Predstavničkog doma Parlamentarne skupštine BiH.

- Zahtjev za autentičnim tumačenjem člana 185. stav (1) Zakona o službi u Oružanim snagama BiH ("Službeni glasnik BiH", br. 88/05), podnosilac: Ministarstvo odbrane BiH **(razmatranje zahtjeva i ocjena jasnoće pravne norme, u skladu s članom 137. stav (3) Poslovnika Doma).**

Ustavnopravna komisija razmatrala je navedeni zahtjev za autentično tumačenje nakon čega je jednoglasno utvrđeno:

- Zahtjev je podnio ovlašteni subjekat;
- Analizirajući navedenu pravnu normu i cijeneći dileme koje je njena primjena izazvala u praksi, zaključeno je da pravna norma nije jasna, te da treba provesti postupak autentičnog tumačenja.

Kako nije bilo više pitanja, sjednica je završena u 11,45 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović